



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Benedictus Redivivus Hoc est: Benedictinij Ordinis  
Vetustißimi Amplißimique, Nostra, ac supera ætate  
Jmmarcescibilis Vigor, ac Viror**

**Bucelin, Gabriel**

**[Veldkirch], Anno Christi. M.DC.LXXIX.**

Iesu Christi Annus. M.D.XCIX. Sancti Patris Benedicti. M.CXIX.

**urn:nbn:de:hbz:466:1-38498**

grosorum confundant delicatam vitæ rationem. *Ex Philippo Malabayla, Carolo à S. MARIA &c.*

Mortalitatem exiit hoc eodem anno Erminus Francois Monachus & Abbas Laubienfis vir egregius, rebus Divinis deditissimus, arctissimæ disciplinæ observator & promotor strenuus, non sine opinione magnæ perfectionis & sanctitatis. *Ex Monim. Laubienf.*

IESU CHRISTI ANNUS. M. D. XCIX.  
Sancti Patris Benedicti. M. CXIX.

Terum memorabili Benedictinorum, consueto tanto decursu sæculorum in diversos Ordines beneficentiæ & Liberalitatis Benedictinæ studio, solemniter stabilitur à Matthæo Mollart nostro Atrebatensi Episcopo, celeberrimum & Magnificientissimum Patrum Societatis Jesu in prædicta urbe Collegium, maximo sumptu constructum à Reverendissimo Domino Joanne Lentailleur, Aquisinctini Cænobij Abbate laudatissimo: cujus Collegij Rhetoribus scribens doctissimus Lipsius epist. 50. Cent. 1. *Habetis, ait, Doctores factos natos, fas ita loqui, ad optimas artes, & cum eis pietatem excolendam, audite, sequimini, & militate sub felici illo signo, &c.* Qui postea Abbas immortalitate dignissimus, pro merito à morte plausibiliter laudatus fuit ab Universitate Duacena eique merito tanquam Mecœnati, & parenti tot virorum eruditorum solemnissimè parentatum. *Claud. Robert. Joan. Buce- linus, Monim. Aquisincti.*

Contendit hoc ipso anno cum Aquisinctino Præsule, vix adito Abbat- tis apud Vedastinos honore immortalis memoriæ Antistes Philippus Caverellus, & alterum haud impari magnificentia Duaci condit Collegium, vulgo Vedastinum dictum, in quo Vedastini Ordinis nostri Religiosi, ab ipsa Universitatis fundacione, ad hanc usque horam, Philosophiam, Theologiam, cæterasque liberales artes profitentur, magno cum honore Ordinis & gloria, sed & fructu maximo juvenutis. *Ex Monumentis Vedastinis, & inde communicatis, sed de Caverelli rebus præclarè gestis plura deinceps.*

Incredibilis labor, cum merito patientiæ, constantiæ, & solidissimæ charitatis incomparabili sanctæ memoriæ

Mariæ nostræ de Bellovillare Abbatissæ Montis Martyrum in obstinatissimis Monialium sibi creditarum animis evincendis, ipsò etiam Archiepiscopo Parisiensi, cujus curæ suberant, Petro de Gonde, viro Religiosissimo nostrorumque longè amantissimo, oleum & operam perdente, cum sua Auctoritate orando, monendo, obsecrando in propria persona sapius occurrens, nil nisi subfannationes, opprobria & contumelias referret, Maria tamen nostra suffragijs Deiparæ freta, inexplicabili mansuetudine, ipsoque admirabili vitæ exemplo fluctus omnes feliciter eludente, nova ædificia moliente, & in ipsdem Regularem Clausuram, ut vocant, inducente, & cum supra celebratis ejusdem Cænobij Professis monialibus, Catharina & Maria d' Alvequin, spiritu non minus quàm carnesfororibus eaque quam secum duxerat sanctæ mentis puellâ, animos denique aliquarum lucrantibus, donec, uti deinceps audiemus, propitio Numine, gloriosè triumpharet, & tantum Monasterium, Benedicto Patri in suis Redivivo assereret. *Ex Vita ejusdem.*

Supremum & fatalem hunc [ nobis Natalem ] habet annum 1599. Reverendissimus in Christo Pater ac Dominus, Joannes à Plutzel, frugi & antiquæ probitatis Abbas Monasterij S. Matthiæ Trevirensis, cujus elogium integrum ex Melenich transcribere placuit:

*Hic igitur Abbas fuit summa in Deum Religione, justitiæ & æquitatis studiosissimus, carnis sue domitor egregius, Regularis disciplina observator exactorque diligentissimus, in frequentatione Chori assiduus, in celebratione quotidianus, in sublevandis pauperum necessitatibus mira tantum liberalitate. Quo in studio dum temporibus dirissima famis illius quæ circa annum Domini 1580. totam penè Germaniam miserimè depopulabatur, sedulo versaretur, accidit mirabile dictu, ut quamvis ad imperium Domini Abbatis, expaucis, quæ Monasterio reliqua erant fructibus, quotidie indigentibus copiosissimè subveniretur: hydria tamen farinula ( ut cum Scriptura loquamur ) Deo usque sic volente, simul ac benedicente, ad ostendenda tanti viri merita, Diminutionem nequaquam senserit, sed usque ad finem tante*

X

CATI

V. Maria  
do Bello-  
villare ago-  
nes.

Succensus  
Reforma-  
tionis.

Joannes  
Abbas S.  
Matth. Tre-  
vir.

Pauperum  
Mecœnas.

Erminus  
Francois  
Abb. Laubienf.

Joan. Len-  
tailleur  
Abb. de  
Duac. PP.  
meritum.

Philippus  
Caverellus  
de re litte-  
rariæ me-  
ritissimus.

caritatis. in sua semper plenitudine perduraverit. Vestibus utebatur, non pretiosis, aut seculi vanitatem redolentibus, sed vilibus admodum, & vulgaribus. Mores autem suos, sic omnibus attemperabat, ut verissimum esset exemplar illius, quem ad Titum Paulus describit, Episcopi, &c. *Regii Monasterium annis 26. diebus 27. Moritur senio, ac diuturna Phthysos maturatione exhaustus, conditusque in Choro S. Joan. Baptista.* Ex Melenich.

Exemplar  
veri Pasto-  
rii.

Fredericus  
Abb. Mari-  
coll.

Eundem quoque annum vitæ suæ ultimum habuit Reverendissimus Dominus Fredericus Maricollensis ad Helpram fluvium in finibus Hannoniæ Abbas, vir præstantissimus, & ob insignia animi talenta, ingenij dona ad secretiora Regni consilia expertus, & adhibitus; qui sedulam nihilominus suorum curam habens filiorum, disciplinam Monasticam fovit mirifice & promovit, ab omnibus intimè dilectus, suosque vicissim tantopere diligens, ut cum Abbas Canobij opulentissimi S. Petri Gandavenensis postularetur, suorum amore, omnino detractaverit. Celebris apud omnes ob eximias Virtutes in Vita & Moribus, quâ, ipsâ die Parasceves feliciter decessit, ipsam semper in pane & aqua transigere assuetus: ultimamque sibi similiter proponens transigere, cum sollicitos de se Fratres juberet abscedere, ut piam aliquid tam sacra die medicaretur, ab regressis repertus est mortuus A. 1599. *Ex monumentis ejusdem Canobij, communicante admodum R. P. Antonio Erckelens, &c.*

Belix mors.

Claudit sub hoc ferè etiam tempus cursum vitæ sanctissimum Religiosissima fœmina Catharina Pæz, Abbatissa Monasterij S. Spiritus de Olmedo, orationis studio, & sanctitatis famâ in paucis conspicua, de qua sic Joseph Velasco: *Revelavit DEUS venerabili viro Francisco de Jeyes, Animum ipsius recitâ calum conscendisse, magnamque gloriam obtinuisse, & quod transiens per locum Purgatorium animam cuiusdam Mortalis ejusdem Monasterij, que ante aliquot dies obierat, à pœnis liberasset, secumque in caelestem patriam induisset.* Joseph de Velasco, Chrysoft. Henric.

Verè in plenitudine sanctorum detentionem suam esse demonstrans Virgo Mater Augustissima cœli Im-

peratrix, ex lectissimo Sanctorum sui Montis Serrati promptuario, rutilantissimum denuo sydus, à se cœlis educatum, corporis solutum ergastulo inter lucidissimas Empyreï cœli stellas inferit hoc anno sanctæ memoriæ virum R. P. Joannem Castanzam, doctissimum æquè ac sanctissimum, Joannis Alphonfi Curielis celeberrimi illius, totoque orbe famosissimi Theologi, alterum animum (qui item Curiel, quamvis Ordinem nostrum professus non sit, merito tamen nostris etiam accensendus, quibuscum & perpetuo ferè vixerit, & sua omnia legaverit, ac denique inter eosdem sepeliri voluerit) in cujus unius laudibus, foret quàm diutissimè immorandum, nisi intenta & promissa brevis aliud exigeret. Sufficit Epitaphium posuisse.

*Venerabili Magistro Frat. Joanni Castanza Benedictino, Sermone aureo, ore facundo, in dicendo suavi, in persuadendo miro, Apostolo Paulo prædicatione similimo; ob amabilem Vitæ suæ Sanctitatem, honori & decori omnibus: post obitum sibi à Philippo II. præclaras dignitates, ac magnifice spectas, charissimi sui D. M. Jllefonsi Curiel petitione prope ipsum tumultu. Obijt 18. Oct. Anno 1599. Consulendus Antonius de Jeyes & monumenta Monserratenisia.*

In Hispanijs item ad supera accersitur sub hoc ipsum tempus Venerabilis Pater Magister Andreas de Azitorres Monachus S. MARIE Vallis Ecclesiarum in Regno Toletano, singularis pietatis & ingenij vir, à conversionis suæ primis initijs, ab eximio Virtutum studio omnibus admirandus. Obedientiæ tamen observantiâ adeo excelluit, ut mira prorsus solertia, ad amissim omnia Superiorum iussu, juxta mentem & Regulam S. P. B E N E D I C T I & observaret & exequeretur, quod legem sibi inviolabilem crederet, quidquid præciperent. Ita etiam ab ipsâ litterarum adhibitis studijs, tanto acrius contendit, ut in Philosophicis quidem nemini doctissimorum cederet, in Theologicis autem DEUM intellectus sui unicum, faciens objectum, Divina ac cœlestia scrutatus, in magnam vitæ perfectionem, & ipsius proficeret, & ea in super proferret, quibus & alios accenderet, & posteritati con-

Ven. Jo-  
nes Cas-  
tanza.

Ejus Epita-  
phium.

Andreas de  
Azitorres.

Jeyes  
monimen-  
ta.

confuleret, nec contemnendum Ecclesiae fructum produceret. Ex his fuere: *Decades decem, Theologiae Symbolicae seu Hieroglyphicae, Salmanticae typis mandatae anno 1593. Scripsit etiam Theologiae item Symbolicae, septem alios tomos, quos tamen morte praeventus publicare non potuit. Ex Chrysof. Henrici. Phamice, &c.*

IESU CHRISTI ANNUS. M. D. C.  
Sancti Patris Benedicti, M. C. XX.

I Ubilaeo hoc anno, admirabili júbilo caelos implet, felicissimo transitu suo, Miraculum Angeli hominis sanctissimae memoriae Abbas, & Fulienfis Congregationis Legumlator & Patriarcha Joannes Barrerius (de la Barriere) cum rigidissimo suo Instituto & sanctissimis filiis, tali vitae praeruluxisset exemplo, quo non poterant non excitari atque accendi, ad tormenta quaevis pro Crucifixo Amore suo subeunda, cujus gratia concitati viri feminaeque, quotidiano sane Martyrio spontaneo, carnis quasi propriae obliti & sanguinis, sese victimas mactarunt, & immolarunt, in quibus omnibus & vivens quotidie & moriens Barrerius, ad triumphos Martyrum, aeternos hoc ipso anno, quarto Cal. Maij assumptus, Romae pretiosissimas attenuatissimi corporis exuvias deposuit, insignibus miraculis & revelationibus, & in vita & à morte à Numine illustratus, vir dum viveret & Regibus & summis Pontificibus summam Admirationi & Venerationi: *Cujus Anglicam conversationem, ait vitae ejus scriptor, Vita puritatem, morum integritatem, Religionem in Deum, humanitatem in proximos, in seipsum rigorem, admirandum potius quam imitandum, tota Europa miratur & veneratur.* Obijt aetatis 56. cujus sanctae Reliquiae per orbem sparsae, cor quidem in Fulienfi Monasterio, membra alia alibi religiosè asservantur. *Ex Ludovico à S. Malachia, Carolo à S. Maria, Philippo Malabayla, Auberto Miraeo, &c.* Sed de prole sacra viri sanctissimi deinceps saepius pro immortalis saeculi nostri, & serae aetatis monumento.

Canobij Sanctae Annae Abulensis in Hispania Professa. Fuit haec omni Virtutum genere cultissima, uti Christi decet sponsam, omni illarum circumamicta varietate, caeterum praeter omnem mulierum morem & consuetudinem, sacri Regularis Silentij longè studiosissima; jurata autem tenerri mi corpuseculi sui hostis, cum praeter acuratissimam sanctissimae Regulae nostrae observantiam, & consueta Religionis exercitia sacrumque rigorem, duris asseribus, iisque nudis pro lectulo uteretur. Singulis diebus vivifico Corporis Domini Sacramento reficiebatur; quo devotissimè sumpto, in Ecstasi statim rapiebatur; cujus per omnia, Angelica verius quam humana conversatio, uti omnes mirè afficiebat, sic ad Virtutem potenter excitabat. Transijt, ut diximus, ad Regnum aeternitatis felicissima haec sponsa Anno Christi 1600. cum continuum ad mortem usque silentium observasset, aeternum deinceps pro Fratibus, & Sororibus ad Regem Regum loquutura, & pro nobis, qua rogat omnia, persuasura. *Michael Vaquerus, Vita B. Mariae Vola, &c.*

In Gallijs usa occasione anni Jubilaei sanctae memoriae Mariae nostra de Bellavillier efficacissimè movente Libello supplici interpellat Clementem VIII. Pont. Max. suos Reformationis conatus toties frustratos quæsta, & rogans, ut sibi specialem liceret Visitatorem deligere, quas ejus adeo sollicitas pro suis preces non sine multis praegaudio fuis lachrymis Pontifex magno animi legit solatio, omnemque ei & opem promisit & Benedictionem Pontificiam largè est impertitus, confirmans ejusdem propositum, & arumnas pie consolatus. Nec exprimi satis queunt difficultates & injuriae, quas etiam post haec impetrata sustinuit, pessimae denuo notae sacerdote Confessario in optimorum locum succedente, & multas jam sanctae Antistitae manus & animum dantes, gravissimis in Mariam calumnijs, ab omni bono proposito & Religiosiore vita abducente, ita ut nemo absque horrore legat Sacerdotis adversus Reformationem cum perditissimis conspirationem, nemo satis robur animi & invictum S. Abbatissae patientiam admiraretur. Et sane

Mors ejusdem felicissima.

Ven. Mariae de Bellavilliere successus & conatus.

Invictum robur anti-mirginis.

Sanctissime moritur B. Joannes de la Barriere.

Angelica fuit ejus vita.

V. Anna de Villaroel Mon.